



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**11 Oktober 2023
25 Rabiulawal 1445H**

SENARAI AKHBAR	TAJUK
Utusan Malaysia	<ul style="list-style-type: none">• Nelayan bimbang kolam udang haram jejas pendapatan mereka
Berita Harian	<ul style="list-style-type: none">•
Harian Metro	<ul style="list-style-type: none">• Sejiwa buru kelah
Kosmo !	<ul style="list-style-type: none">• Nelayan kekal terima bakul makanan, elaun sara hidup
Sinar Harian	<ul style="list-style-type: none">• Ribuan ikan mati akibat sisa kilang
The Star	<ul style="list-style-type: none">•
New Straits Time	<ul style="list-style-type: none">•
Nanyang Siang Pau	<ul style="list-style-type: none">•
Malaysia Gazette	<ul style="list-style-type: none">•
Harakah	<ul style="list-style-type: none">•
Malaysiakini	<ul style="list-style-type: none">•
Bernamea	<ul style="list-style-type: none">•
Borneo Post (KK)	<ul style="list-style-type: none">•
Guan Ming Daily	<ul style="list-style-type: none">•
Sabah Media	<ul style="list-style-type: none">•

UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF		NEGATIF	NEUTRAL	12	11/10/23

Sejiwa buru kelah

Suami isteri redah hutan, sungai, tasik cari 'raja sungai'

Oleh Nazdy Harun
am@hmetro.com.my

Kuala Berang

Walaupun berkerjanya, namun seorang ibu lima cahaya mata gemar menghabiskan masa hujung minggu atau hari cutinya dengan meredah hutan, sungai dan tasik untuk mencari lubuk ikan kelah merah.

Sakinah Jusoh, 43, dari Kampung Jenagor dekat sini, berkata, meredah sungai dan bermalam bersama suami dalam hutan adalah rutin mingguan.

Menurutnya, suami, Anuar Kamaruddin, 47, seorang penjual ikan kelah merah dan untuk mendapatkan bekalan 'raja sungai' itu suaminya terpaksa ke sungai di seluruh pelosok negeri.

"Suami saya sebelum ini bekerja sebagai kelasi kapal, namun akibat pandemik Covid-19 menyebabkan semua sektor pekerjaan tidak dapat dijalankan.

"Suami mengambil keputusan berhenti kerja dan bermula dari situ, suami saya menumpukan sepenuh masa dengan menjual ikan kelah secara dalam talian.

"Melihat kepada permintaan yang tinggi, suami terpaksa ke sungai untuk mencari bekalan ikan kelah dan bermula dari situ menjadi rutin buat saya untuk mengikut suami ke sungai mencari ikan berkenaan," katanya yang juga seorang kakitangan sebuah syarikat swasta.



ANUAR bersama Sakinah melihat ikan kelah yang dipelihara sebelum dijual.

Menurutnya, cuti hujung minggu atau pada cuti am dia akan mengajak suaminya untuk ke lubuk ikan kelah bagi mencari raja sungai berkenaan.

Katanya, rutin itu dilakukan selepas Perintah Kawalan Pergerakan (PKP) yang lalu dan kerja menangkap ikan di kawasan lubuk dilakukan bersama-sama suaminya.

Sakinah berkata, lubuk kelah ibarat tempat 'healing'

buat dirinya kerana saban minggu dia akan ke sungai di seluruh pelosok Terengganu untuk mencari ikan kelah.

Anuar berkata, minatnya mencari ikan kelah sudah lama, namun ia hanya sebagai hobi dan selepas berhenti kerja sebagai kelasi dia mengambil keputusan untuk menjadikan pekerjaan menjual ikan kelah sebagai mata pencariannya.

"Ikan yang dicari akan di-

kuarantin sebelum dijual dan harga ikan kelah merah dijual mengikut kilogram (kg) dengan harga RM550 hingga RM2,000 sekilogram bagi yang masih hidup.

"Sebulan hanya empat ekor saja yang dijual dengan ukuran ikan di bawah kira-kira 50 sentimeter, selain kelah hidup saya juga menjual ikan kelah yang sudah dibekukan.

"Alhamdulillah, permintaan terhadap ikan ini sentiasa ada dan sebulan saya mampu meraih pendapatan hingga RM5,000," katanya yang mempunyai lima cahaya mata berusia enam hingga 17 tahun.

"Lubuk kelah ibarat tempat 'healing' buat dirinya kerana saban minggu dia akan ke sungai di seluruh pelosok Terengganu untuk mencari ikan kelah"

UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF		NEGATIF	NEUTRAL	25	11/10/23

Ribuan ikan mati akibat sisa kilang

Kilang lupuskan hasil laut sejuk beku tamat tempoh ke dalam parit awam

Oleh MOHD IZZATUL IZUAN TAHIR
KUALA SELANGOR

Ribuan ikan ditemui mati terapung di Kolam Tadahan Taman Industri Alam Jaya, Puncak Alam di sini dipercayai akibat pencemaran berpunca daripada pembuangan sisa kilang.

Pengarah Jabatan Kesihatan dan Persekitaran, Majlis Perbandaran Kuala Selangor (MPKS), Jefrie Abd Manaf berkata, hasil pemantauan pihaknya mendapati kolam tadahan itu bertukar warna hitam dan berbau busuk serta dihurung lalat.

Menurutnya, MPKS bersama Lembaga Urus Air Selangor (LUAS) dan Jabatan Alam Sekitar (JAS) menjalankan tindakan penguatkuasaan terhadap sebuah kilang memproses dan melupuskan hasil laut sejuk beku tamat tempoh.

"Hari ini (Selasa) kira-kira jam 10.30 pagi, kita melaksanakan operasi secara bersepadu dan mengambil tindakan terhadap kilang tersebut.

"Dua kompaun dikeluarkan dan kita memberi empat notis penutupan serta-merta kepada kilang tersebut," katanya ketika



Jefrie (tengah) dan Harrison (kanan) melihat pelepasan sisa sebuah kilang yang memproses dan melupuskan hasil laut sejuk beku tamat tempoh di Puncak Alam.

meninjau kolam tadahan dan memeriksa kilang di sini pada Selasa.

Jefrie berkata, kilang itu juga dilihat masih berdegil kerana tetap melepaskan sisa efluen meskipun tindakan penguatkuasaan dijalankan sehari sebelumnya.

"Semalam (Isnin), kita menjalankan operasi penguatkuasaan dan terbukti kilang ini menjadi punca yang menyebabkan pencemaran di kolam tadahan.

"Kita bertemu dengan pihak pengurusan kilang dan mereka mengakui mengisar hasil laut sejuk beku tamat tempoh dan kemudiannya melupuskannya ke dalam parit awam serta mengalir ke kolam tadahan dengan jarak satu kilometer," katanya.

Menurutnya, hasil semakan mendapati kira-kira 40 tan metrik sehari sisa efluen dilepaskan dari kilang itu ke parit berdekatan.

Tambah beliau, pelepasan itu menyebabkan air parit berhampiran bertukar warna merah

jambu sebelum berubah hitam semasa di kolam tadahan selain berbau busuk.

"Semakan mendapati kilang itu beroperasi tanpa lesen sejak dua bulan lalu. Kilang ini ada mohon lesen tetapi JAS menetapkan syarat industri perlu kemuka laporan EIA (Penilaian Kesan Kepada Alam Sekeliling) jadi MPKS tangguh sementara permohonan lesen sehingga dapat kelulusan JAS," jelasnya.

Pihaknya mengarahkan kilang tersebut segera membuat pelupusan melalui KDEB Waste Management KDEBWM selewat-lewatnya pada Rabu.

"KDEBWM bersetuju membuat pelupusan dan sekiranya kilang terbabit masih ingkar kita akan membuat sitaan lebih drastik termasuk potong bekalan elektrik serta air," ujarnya.

Sementara itu, Ahli Dewan Undangan Negeri (ADUN) Jeram, Datuk Harrison Hassan meminta pihak industri menghentikan serta-merta aktiviti pencemaran itu daripada terus berleluasa.



UTUSAN MALAYSIA	/	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN		SINAR HARIAN	THE SUN	ORIENTAL DAILY		
HARIAN METRO		NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF			NEGATIF	NEUTRAL		29 11/10/2023

Nelayan bimbang kolam udang haram jejas pendapatan mereka

UM 1529

PARIT BUNTAR: Kewujudan lebih 100 kolam ternakan udang di pinggir Sungai Kurau di sini menimbulkan tanda tanya dalam kalangan nelayan sungai yang bimbang ia mungkin menjejaskan pendapatan mereka.

Wakil nelayan, Mohd. Radzi Said, 53, berkata, kolam udang itu terletak bukan dalam zon akuakultur dan jumlahnya semakin banyak berbanding hanya dua atau tiga buah kolam sahaja sebelum ini.

Menurutnya, pembinaan kolam udang itu sudah disuarakan oleh nelayan dalam sesi dialog sejak beberapa tahun lalu yang mahu tahu mengapa kolam berkenaan dibina di kawasan bukan zon akuakultur.

"Kami bimbang pembinaan kolam udang ini bukan sahaja akan menjejaskan pendapatan nelayan tetapi boleh mengancam hidupan air.

"Kolam ini dibina terlalu dekat dengan gigi Sungai Kurau sehingga menimbulkan kecurigaan kepada penduduk dan nelayan di sini kerana ia mengancam ekosistem hidupan air," katanya kepada *Utusan Malaysia*.

Menurut Mohd. Radzi, nelayan akan terus membangkitkan isu pembinaan kolam udang itu selagi tiada penjelasan mengenainya oleh pihak kerajaan.

Menurutnya, nelayan telah menyuarakan banyak kali perkara itu dan menjangkakan ia dapat diberikan penjelasan namun tiada pihak yang tampil membuat penjelasan.

"Dulu kami nelayan tempatan hanya nampak dua tiga kolam dibina di atas tanah sekitar 40 ekar tetapi sekarang sudah wujud lebih 100 kolam di atas tanah yang bukannya zon akuakultur.

"Pelbagai aduan telah dikemukakan oleh nelayan tempatan mengenai kewujudan kolam-kolam ini namun ia bagaikan tiada berkesudahan, jumlahnya semakin banyak," katanya.

UTUSAN MALAYSIA	KOSMO!	/	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN		THE SUN	ORIENTAL DAILY		
HARIAN METRO	NEW STRAITS TIMES		THE MALAY MAIL	PELBAGAI		
KATEGORI LIPUTAN: POSITIF			NEGATIF	NEUTRAL	16	11/10/2023

Nelayan kekal terima bakul makanan, elaun sara hidup



MUHAMMAD FAIZ (kiri) membantu nelayan membaiki pukat di bangsal nelayan Kampung Baharu Pulau Redang, Kuala Nerus semalam.

KUALA NERUS - Lembaga Kemajuan Ikan Malaysia (LKIM) memberi jaminan untuk terus menjaga kebajikan kira-kira 56,000 nelayan tradisional yang bakal terjejas dengan monsun Timur Laut (MTL) diramal melanda negara pada bulan depan.

Pengerusi LKIM, Muhammad Faiz Fadzil berkata, semua nelayan zon A terlibat bakal menerima agihan bakul makanan secara berkala sepanjang musim tengkujuh berkenaan.

Beliau berkata, elaun sara hidup sebanyak RM300 sebulan juga akan diteruskan dalam tempoh lima bulan nelayan terbabit tidak boleh turun ke laut ekoran

faktor cuaca dan laut bergelora.

"Elaun sara hidup yang biasanya untuk membaiki peralatan menangkap ikan seperti pukat pada bulan-bulan lain bolehlah digunakan untuk membeli barang keperluan asas sepanjang mereka tiada pendapatan ekoran musim tengkujuh.

"Seramai kira-kira 71.8 peratus daripada nelayan tempatan berada dalam kategori zon A yang mencari rezeki di pesisir pantai dan menggunakan bot kecil dijangka akan terjejas berikutan MTL," katanya di Kampung Baharu Pulau Redang di sini semalam. Terdahulu beliau ditemui se-

lepas menyerahkan bantuan lampu berkuasa solar bagi menerangi bangsal nelayan perkampungan tersebut.

Muhammad Faiz berkata, bagi penyelesaian jangka panjang pula, LKIM sentiasa menggalakan persatuan nelayan kawasan (PNK) terlibat dalam industri hiliran bagi mengurangkan ketergantungan penuh terhadap hasil tangkapan ikan di laut.

Jelas beliau, industri hiliran seperti akuakultur, pembuatan keropok, sata sejuk beku dan bebola ikan terbabit akan membolehkan nelayan itu terus mampu menjana pendapatan walaupun pada musim tengkujuh.